

KERATAN AKHBAR

(UNIT KOMUNIKASI KORPORAT)

Surat khabar: Utusan Sarawak ( Berita Perdana )

Hari/Tarikh: 31/8/2013

Muka surat: 2

Tajuk : Negara Perlukan Ramai Saintis.

# Negara perlukan ramai saintis

KOTA SAMARAHAN, Jumaat — Negara memerlukan lebih ramai saintis, penyelidik, tokoh inovasi dan perintis dalam bidang sains dan teknologi.

Naib Canselor Universiti Malaysia Sarawak (UNIMAS) Prof Dato' Dr Mohamad Kadim Suaidi berkata, ia bagi merealisasikan pertumbuhan ekonomi berdaya saing serta dinamik.

Menurutnya, kerajaan sentiasa melakukan terbaik bagi mengatasi masalah kekurangan golongan saintis yang pada

masa ini berada dalam keadaan kritikal dan amat mendesak.

"Pihak universiti dan swasta atau pihak industri perlu menjalin kerjasama dan perkongsian pintar dalam melaksanakan program penyelidikan dan pembangunan," katanya.

Beliau berkata demikian ketika berucap di Jerayawara Akademi Sains Malaysia: Penyelidikan Saintis Terkemuka Malaysia dan Rangkaian Saintis Muda di Auditorium Pusat Khidmat Maklumat Akademik

(PKMA) UNIMAS hari ini.

Katanya, amat merugikan apabila hasil penyelidikan universiti hanya sekadar disimpan dan tidak berpeluang dikomersialkan.

"Kerajaan mahu melihat hasil penyelidikan itu sampai ke tahap yang boleh dimanfaatkan bukan setakat kajian semata-mata," ujarnya.

Katanya, kerajaan sentiasa menyediakan dana kepada universiti untuk memperkasakan bidang sains menerusi penyeli-

dikan yang dilakukan.

"Kerjasama dengan pihak swasta amat perlu sekali gus memberi peluang kepada universiti berasaskan penyelidikan mendapat sumber dana tambahan," jelasnya.

Menurutnya lagi, kerajaan amat menggalakkan penglibatan pihak swasta pada masa depan untuk menjalin kerjasama dan menyumbang dana bagi tujuan penyelidikan dan pembangunan inovasi bersama pihak universiti.